

ROZÁRIU - MISTÉRIU DOLOROZU

Iha Don Bosco nia Festa - 31 Janeiro 2023

Introdusaun:

Saun João Bosco hateten: «Ha'u-nia obra edukativa hotu nia baze mak devosaun ba Virjen Maria no orasaun Rozáriu nian. Ha'u prefere husik buat seluk, maibé la'ós Rozáriu». No mós: «Nu'udar isin preza liu ai-han nune'e mós ba klamar nia saude presiza Santu Rozáriu».

Ohin ita medita Mistériu Terus nian. Don Bosco hateten: «Hodi dehan "krús" ha'u hakarak dehan krús ne'ebé Na'i haruka no baibain, kontrária ba ita-nia hakaran sira no nunka falta iha ita-nia moris. Susar ida-ne'e, serbisu ida-ne'e, moras ida-ne'e, maski kmaan, maibé krús, ha'u hakarak lori nia ho ksolok no ho laran, basá krús ida-ne'e duni mak Na'i haruka mai ha'u» (MB 17,555).

Hodi simu Don Bosco nia hanorin sira, ita tau ita-nia an iha Maria Auxiliadora nia liman atu nia haraik mai ita grasa hotu ne'ebé presiza ba ita-nia salvasaun; no ita ofereze Rozáriu ida-ne'e ba labarik no adolexente sira nune'e mós joven sira atu mundu nia kukun kroat sira keta kaer metin sira; ita mós harohan ba ema sira ne'ebé dedika an juventude nia edukasaun no promosaun.

1. Jezús harohan iha to'os Oliveira nian.

«Jezús dehan ba nia eskolante na'in tolu: "Imi hela iha ne'e hodi hadeer ho Ha'u"... "Maibe halo tuir Ita hakarak ba, la'ós ha'u nian"» (Mt 26,38.39).

«Bainhira imi hasoru perigu ka pobreza boot imi foti matan ba lalehan. Maromak sei rona imi-nia orasaun halo ho haraik-an» (Don Bosco).

Ita harohan ba labarik no foin-sa'e sira ne'ebé sofre iha rai sira ho konflitu kilat nian no iha funu maka'as nia laran no husu dame ba mundu.

2. Ema baku Jezús kesi iha koluna.

«Pilatos haruka ema kaer Jezús no baku Nia» (Jo 19,1). «Husi nia kanek sira ita hetan di'ak» (1 Pt 2,24).

«Iha Evanjellu hakerek: Ksolok ba sira ne'ebé terus, no la'ós ba sira ne'ebé goza moris» (Don Bosco).

Ita harohan ba labarik, adolexente no foin-sa'e sira ne'ebé sai vítima violénsia doméstika no abuzu oioin iha uma-laran, iha grupu, iha bairru laran no fatin edukativu sira.

3. Ema tau koroa ai-tarak nian ba Jezús nia futarulun.

«Soldadu sira lori Nia ba pretóriu laran, hafoin, halibur tiha sira maluk hotu, sira tau ba Nia hena mean ida. Sira leu ai-tarak, tau ba Niaulun. Tuir mai, sira kumprimenta Nia dehan, "Viva, liurai Judeu sira nian!" Sira baku Nia

ulun ho fafulu ida, tafui ba Nia, no hakneak iha Nia oin hodi hanai Nia» (Mc 15,16-19).

«Ai-tarak sira moris nian sei troka ho ai-funan sira ba eternidade tomak». «Se iha moris ida-ne'e ita tahan ai-tarak sira, iha moris seluk ita sei haksolok ho roza sira» (Don Bosco).

Ita harohan ba família sira no edukadór/a sira atu hatene eduka oan sira sai sidadaun loos no sarani di'ak.

4. Na'i Jezús lori krús tuir dalan ba Kalváriu.

«Judeu sira lori Jezús no Nia sai ba li'ur hodi Nia lori nia krús iha nia kbaas ba fatin ida naran "ulun ruin," ne'ebé dehan iha lia-Ebreu "Golgota" (Jo 19,17). «Maski nia Oan, Nia aprende atu obediénsia husi buat nebe Nia terus» (Eb 5,8).

«Ita hotu tenke lori ita-nia krús, no krús ne'e mak terus sira ita hetan iha ita-nia dalan moris nian». «Dalan krús nian mak dalan ne'ebé lori ita ba Maromak» (Don Bosco).

Ita harohan ba Salezianu no "Filhas de Maria Auxiliadora" hotu no membru seluk Família Saleziana nian ne'ebé saran an ba foin-sa'e sira nia salvasaun.

Knananuk iha Ave-Maria nia fatin: AVE MARÍA KAIROI

Ave María, Ave María, Ave María, Ave María
Dios te salve, María, llena eres de gracia,
El Señor es contigo, bendita entre las mujeres
/ Y bendito es el fruto de tu vientre, Jesús /2

Ave María, Ave María, Ave María, Ave María

Santa María, madre de Dios,
Ruega por nosotros, pecadores,
/ Ahora y en la hora de nuestra muerte, Amén /2

5. Ema hedi Jezús ba krús.

«Jezús lia tun ba nia inan: "Feto, ó-nia oan mak ida-ne'e!"».

«Atu halo di'ak ita tenke iha korajen atu terus no tahan adversidade sira» (Don Bosco).

Ita harohan ba Papa Francisco, ne'ebé Na'i tau nu'udar Bibi-Atan Universál Kreda Katólíka nian, liuliu ba ninia viajen apostólíka iha Rai R.D. Congo nian no iha Rai Sul Sudão.

